

Rhamnusus, Senatus scriba, missus, ad amicum Ducem datis literis, quibus, ut eo in negotio Reipublicæ faveret, petebatur. Marcus quoque Octobonus, a Senatus secretis, Gedanum proficisci iussus, ut ex ea regione frumenti ac filiginis feracissima, quantam maxime posset copiam importari navibus Venetias curaret, a Daniæ Rege per suos fines transitu petito. Sarmatiæ insuper Regi scriptum, ut e suis ditionibus frumentariam annonam coemendi Venetis negotiatoribus copiam faceret. Nihil denique prætermisum est, quo instanti non modo necessitati subveniretur, sed in sequentem quoque annum prospiceretur. Navigia complura ex orientis occidentisque regionibus ingenti publico impendio Venetias delata, molestia ac periculo civitatem levare.

Famis incommodo afflictæ Italia, extorrum gravissima damna accessere, qui facinorosos homines duces nati, in Neapolitano regno, atque in pontificiis ditionibus, in agro præferti Romano, atrocissima scelera ac facinora perpetrare, omnisque avaritiæ & crudelitatis genere in habentes iter sæviere. Nam licet Xystus pessimum genus hominum perosus ab ecclesiastico imperio exterminasset, ex Neapolitano regno penitus evelli non potuerat. Inde Marcus Sciarra, ejus coluvionis dux, una cum Baptistella ab Aratro, modo in Neapolitano regno efferatam rabiem effundebant, modo in Romanum agrum irrumpentes, ingentibus æumnis mortales afficiebant. Ab Alphonso Piccolomineo, Montis Martiani Comite, eorum audacia mirum in modum aucta, qui Gregorii XIII. pontificatu multis molestiis damnisque Ecclesiæ subiectos attriverat: cujus, uti maxime optabat, cum insolentiam frangere Gregorius, & coercere nequivisset, in Francisci Medicei, Heturiæ Ducis, gratiam præterita ei delicta condonaverat. Is tunc assuetum vivendi genus repetens, ingenti terrore ecclesiasticos fines repleverat; cumque anno superiore in ditiones Venetas se contulisset, ita in urbe atque extra se gesserat, ut Decemvirum decreto Reipublicæ finibus statim exire, neque absque eorum permisso regredi, gravissimis propositis poenis, juberetur. Attamen, magistratus imperio neglecto, denuo cum armatis facinorosisque hominibus in ditiones Venetas illatus, vi, rapinis agere coepit, homicidia

per-

*Marcus
Sciarra &
Baptistella
extorrum
duces.*

*Alphonsus
Piccolomineus
audacia.*